

爾

雅

稗

疏

爾雅稗疏卷三

江陰繆楷嘯仙述

釋草

椴木堇槐木堇樊云別二名也其樹如李其華朝生暮落與草同氣故在草中楷案樊說非也當本是釋木文錯簡在此耳

楊枹薊郭云似薊而肥大今呼之馬薊楷案郭注下文赤枹薊云卽上枹薊是枹薊卽赤薊小徐說文繫傳以爲卽今赤朮是也楊之言陽赤色之稱也詩七月我朱孔陽釋木楊蒲柳陸璣詩疏謂蒲柳有兩種皮正青者曰小楊其

一種皮紅者曰大楊是楊柳本以皮紅得名而皮青者亦名之也楊柳以皮紅得名故赤色之尤因借以爲名廣雅赤銅謂之錫玉篇鰐赤鱷也竝音同而義通

蓀虎杖郭云似紅草而麤大有細刺可以染赤楷案蓀杜古音皆與赭近說文赭赤土也故赤棠曰杜紅草曰蓀矣筍竹萌郭云初生者楷案筍與尹音相近下文蕘尹釋文引謝音私尹反卽讀如筍也記聘義孚尹旁達鄭注尹讀如竹箭之筠筠卽筍也書顧命敷重筍席鄭注筍析竹青皮也引禮記云如竹箭之有筠鄭以記之筠解書之筍是

筠卽筍也鄭又謂尹謂如竹箭之筠是尹亦筍也尹亦筍故後人加竹而爲筍廣韻旣列筍又列筍云俗于祿字書列筍第二字云上通下正五經文字筍俗作筍訛是也郭注下文蕪芻云今俗呼草木華初生者爲筍筍與尹同華之初生者謂之筍竹之初生者謂之尹其義一也

簜竹李云竹節相去一丈爲簜孫云竹濶節者曰簜郭云竹別名儀禮曰簜在建鼓之間謂簾管之屬楷案說文簜大竹也書禹貢鄭注漢書地理志顏注西京賦薛注皆同是簜爲竹中之一種非竹皆名簜也大射儀簜在建鼓之

聞鄭注簜竹也謂笙簫之屬此蓋謂笙簫之屬以簜竹爲之故因稱簫爲簜猶矢以箭竹爲之因稱矢爲箭也爾雅爲正名之書不當以竹釋簜疑竹字上有脫文郭引儀禮以證簜爲竹別名恐非

經履郭云未詳翟灝云儀禮喪服傳苴絰者麻之有蕡者也牡麻絰者枲麻也贗麻枲麻均別見後而此特以絰言乃專釋其已爲人所治用之名也履亦治麻爲之故并相釋楷案翟據喪服傳爲說然彼兩言絰自是各用一物此一言絰豈得兼指二物乎其說似是而非也疑絰者絰字

之誤文說文絰細布也紝綿屬也細者爲絰粗者爲紝紝本麻名因之紝所織之布亦名紝絰亦當同例漢書景十三王傳絲王闔侯亦遺建莖葛莖與絰同服虔注莖細葛也顏師古注引許慎云莖細布也字本作絰蓋今南方筭布之屬皆爲莖也是絰本爲細葛之名而其所織之布因名絰有明證也疑此卽其物

𦵹芋熒郭云未詳楷案熒卽上熒委萎之熒芋熒蓋赤華之熒一物而異名也芋之言𦵹也說文經赤色也或作𦵹或作𦵹𦵹與𦵹皆从丁故通用中山經熊耳之山有草焉

其狀如蘇而赤華名曰蓐虧畢沅說疑卽此芋熒是芋熒之華赤蓐虧卽芋熒之聲近字委萎華青芋熒華赤故別其名蔚之言煦也說文煦赤貌是蔚亦赤義也

蒼葛郭云今澤葛楷案廣雅輸寫也蒼之爲葛猶輸之爲寫也澤蒼之名卽由此義劉向九歎箇澤蒼以豹鄒兮澤

蒼與澤葛同

紅龍古其大者蓐虧齊實錢大昕云說文蓐虧齊實也許所見本當是差在蓐上蓐爲齊實則差爲龍古之大者矣差卽差字龍古葉大下垂有參差之象楷案錢說非也蓐音

同魁廣雅魁大也紅之大者謂之蘿猶芋根之大謂之芋魁也文選魯靈光殿賦序靈光巋然獨存張載注巋然高大堅固貌也巋亦與巋同錢以差義申許何勿以巋音正許乎

賡見實孫云廣麻子也郭云禮記曰苴麻之有賡楷案賡之言肥也說文正篆作葩或體作臠臠與賡同賡肥一聲之轉故二體通作漢書地理志襄賡英布傳中大夫賡赫應劭顏師古注並云賡音肥書禹貢厥土黑墳馬融注墳有膏肥也是从賡之字卽有肥義賡之从賡與从肥同麻

子最肥潤故以廣名焉

王念孫以廣通費爲實貌桂馥據月令注麻子有文理謂文貌存參

若牛藻郭云似藻葉大江東呼爲馬藻楷案凡草木之以牛馬名者皆以其大稱之也故名牛者亦可名馬上文茭牛蘄注云今馬蘄釋本終牛棘注云卽馬棘是也著之言君也亦言大也釋詁天帝皇后辟公君也邢疏引尸子廣澤篇云天帝皇后辟公皆大也是君有大義說文頤頭頤頤大也高說注呂覽序意篇淮南天文篇並云湧大也頤與湧皆與著音義同陸璣詩疏謂藻有二種其一種葉如雞蘇莖大如箸長四五尺其一種莖大如釵股葉如蓬蒿

謂之聚藻陸所言前一種卽此所謂牛藻也所言後一種
卽俗所謂蕰草也郝疏以前一種爲馬藻後一種爲牛藻
分一藻而二之而又以莖大如釵股者當牛藻於是牛藻
之類與名皆失矣

圭𦥑蓋孫云青州曰圭郭云覆盆也實似莓而小亦可食
楷案圭與𦥑蓋皆取人身以爲名也說文奎兩髀之間圭
與奎通素問氣府論缺盆各一王冰注缺盆穴名也在肩
上橫骨陷者中𦥑蓋與缺盆同說文正作缺盆

肩戎葵郭云今蜀葵也郝懿行云蜀葵似葵而高大戎蜀

皆大之名或名吳葵胡吳亦皆謂大也楷案肩亦謂大也
肩俗字本作肩詩獸三歲曰肩鄭注大司馬四歲曰肩大獸謂之肩故大葵謂之肩矣

李麻母郭云苴麻盛子者楷案上文廣枲實注云禮記曰苴麻之有廣是廣爲麻子莩卽有廣之麻矣莩者字也釋文云本又作字是也說文字乳也卽名義所出史記平準書有馬阡陌之間成羣而乘字牝者字謂母馬也玉篇牷母牛也廣雅吳羊其牝一歲曰牷妣謂母羊也母馬謂之字母牛謂之牷母羊亦謂之牷母麻謂之莩其義一也

權黃華郭云今謂牛芸草爲黃華華黃葉似荻蕡楷案說文權黃華木與此異者蓋權本黃華木之名因牛芸草亦黃華故名之也權與鰐聲相近權之爲鰐與蘿之爲鴟同例釋獸狸狐鴟猶說文引作狸狐蘿貉廣雅鰐黃也釋蟲蘿與父守瓜郭注今瓜中黃甲小蟲蘿亦與鰐聲義近也

鉤藜姑郭云鉤瓢也一名王瓜實如杓瓜正赤味苦楷案鉤下當本有瓢字廣雅藜茹瓠瓠王瓜也釋文引字林瓠瓠王瓜也瓠與鉤同無單稱鉤者鉤瓠疊韻字象實圓滿之形也山之頂曰岣嶁人之背曰疴棲車之弓曰枸蔓並

字異而義同倒言之曰僂句昭二十五年左傳竊其寶龜
僂句亦以龜背之形圓滿也觀郭注是所據已脫

赤抱薊郭云卽上抱薊楷案以前後文例求之當作抱赤
薊方合赤抱二字蓋誤倒

菟奚顆凍中馗菌小者菌舍人本中馗作中鳩云菟奚名
顆凍顆凍名中鳩郭云顆凍款凍也紫赤華生水中中馗
菌地蕈也似葢今江東名爲土菌亦曰馗厨可啖之小者
菌大小異名楷案郭讀與舍人讀不同以二注參之舍人
是也顆凍一名中馗馗與葵通邢疏引唐本草注葉似葵

而大卽中葵所由名也鳩則形近之誤但舍人所據本顆
凍下當豐顆凍二字故注云菟奚名顆凍顆凍名中鳩猶
上文唐蒙女蘿女蘿菟絲舍人注謂唐蒙名女蘿女蘿又
名菟絲也經凡別三名者必疊一名如下文芣苢馬鳥馬
鳥車前亦其例郭本脫去二字遂以中馗下屬非也菌小
者菌者文義不憭亦有脫誤經例凡言小者皆別於大者
之辭如云菌小者菌則大小無別矣釋蟲蚍蜉大蠬小者
蠬以彼爲例則當云某大菌小者菌釋魚蜎蟻小者蜎
小者珧以彼爲例則當云某小者菌今與二例皆不合顯

非原文如此可知郝疏致疑遂據說文菌地蕈也訂郭注
地蕈二字爲正文其說似矣然小者菌之菌仍屬難通司
馬彪注莊子逍遙遊篇云菌大芝也則菌非小者之名矣
攷釋文載上菌字作𦗧云本今作菌疑卽下菌字之駁文
不知何字之誤又不知何時誤脫日旁并與上菌字混而
無別陸并於上菌字亦作𦗧展轉貽誤致使此文終古不
可解也

蕡小葉郭云未聞釋文云蕡本或作𦗧邵晉涵云說文云
𦗧麻蒸也管子地員篇謂麻之細者如蒸細卽小也𦗧爲

小葉之麻所以別於山麻也楷案邵據或本𦥑字爲說非也𦥑𦥑音義迥別廣韻𦥑字側鳩切在尤部云草名又矢之善者引說文曰麻蒸也一曰蓐也不引爾雅𦥑字陟葉切在葉部引爾雅云云張參五經文字草部列𦥑字云側畱反又才工反見春秋傳又列𦥑字云音輒見爾雅二字分別甚明或本作𦥑乃是字誤不當依之爲說𦥑爲小葉之草與麻蒸無涉廣韻楓木小葉草之小葉者謂之𦥑木之小葉者謂之楓名義正相同矣又云竈竈小雨𠂔𠂔小人貌竈與𠂔亦與𦥑音義同

黃華橐楷案說文橐𦥑之黃華也本此橐與驃音相同說文驃黃馬發白色一曰白髦尾也驃兼黃白二義故𦥑之黃華謂之橐葦之白華亦謂之橐下文橐蕎荼是也橐之亦言縕也玉篇縕白色是也又鬟髮白貌說文縕帛青白色也釋名土白曰漂漂輕飛散也竝字異而義同

蘡從水生郭云生於水中釋文云蘡草生江水中郝懿行云水草交曰湄詩借作蘡與蘡聲同非草名也楷案蘡非草名何以列於釋草中郝說非也蓋水草交曰蘡因之水邊所生之草亦曰蘡不必定在江水中也陸說亦誤

薇垂水郭云生於水邊釋文云顧云水邊生故曰垂水楷
案薇本山菜詩草蟲言陟彼南山言采其薇四月詩言山
有蕨薇史記伯夷傳言陟彼西山兮采其薇兮皆可證陸
璣詩疏謂薇山菜也是也今云垂水則名與義相反矣疑
薇者微字之誤古从竹之字多誤从艸如節爲節藥爲藥
見于祿
字書等爲等符爲苻見五經文字皆是說文薇竹也薇之言
微也當是細小之竹竹性喜濕故細小之竹多叢生水瀆
爾雅卽存垂水之名舊說似未可從

莽數節郭云竹類也節間促楷案莽與艸通艸卽草艸字

經傳皆通作莽說文艸眾草也物眾必密此竹節多而密故以艸名焉

箇筭中郭云言其中空竹類郝懿行云說文筭析竹箇也箇竹膚也方言筭析也析竹謂之筭然則筭箇皆析竹之名箇箇字異音同析竹必須中空者因以爲竹名焉楷案郭以筭中爲徒中與堅中文法同故云然方言注荼猶徒也是其例釋文云筭郭音徒是也如郝說則筭中二字豈復可通

意箭萌郭云筭

原誤萌從盧文弨
鍾山札記說訂正

筭屬也周禮曰筭菹鴈

鹽楷案竹大箭小竹之萌曰筍箭之萌曰筍故上文云筍
竹萌此又云筍箭萌也筍之言胎也釋姑胎始也郭注胚
胎未成亦物之胎也說文筍竹胎也是筍本有胎稱箭萌
曰筍正取胎義通稱之亦曰筍故郭云筍筍屬也

藨麌郭云藨卽莓也今江東呼爲藨莓郝懿行云李時珍
本草云一種開小白華四月實熟其色紅如櫻桃卽爾雅
所謂藨者也楷案藨與麌皆因其華色名之也藨卽从麌
麌之言鱠也玉篇鱠白色下文焱藨芳芳爲葦華葦華亦
白也說文麌牛黃白色是麌亦以其白也

的敷郭云卽蓮實也郝懿行云敷卽覈也蓮實熟時堅覈卽本草石蓮子陶注云八九月采黑堅如石者楷案石蓮子與蓮實異物郭云卽蓮實其意蓋謂卽上文其中的之的不以爲石蓮子也郝欲附會堅覈之說故以石蓮爲解然非經注意矣的者白也舍人注釋畜的賴云的白也敷之言歟也亦言白也詩大車傳歛白也蓮實潔白故名的又名敷與

蕷蕷荼森蘆芳郭云皆芳荼之別名邵晉涵云荼者茅秀也又謂之蕷又謂之蕷聲之遞轉也芳者葦類之秀又謂

之矣又謂之薦皆聲轉也楷案荼有數義茅秀爲荼萑秀亦爲荼此荼爲萑秀不當混茅秀爲一物邵說非也荼與芳皆鐵銳之義也荼之言捺也廣雅捺銳也廣韻作捺云銳也捺與捺並與荼通漢書禮樂志顏如荼顏師古注荼者今俗所謂蒹錐也錐亦銳也

見說文

茅秀之名荼亦取鐵

銳義今俗謂之茅鍼鍼與錐同意茅鍼謂之荼蒹錐亦謂之荼其義一也芳字又作茗釋文云或作茗茗之言鎔也方言錐謂之鎔郭彼注廣雅作銘字今廣雅作鎔云錐也段氏說文注云其字从茗取其象茗秀也案鎔象茗則茗

亦象鎔矣茗又與穎同意陸機文賦或茗發穎堅穎亦錐末之稱史記平原君傳穎脫而出是也是荼與芳皆鐵銳之義證也

蒹廉郭云似蕷而細高數尺江東呼爲蒹蕷楷案曰荼曰
驩曰蒹曰廉皆蕷未秀之稱也未秀時細小故荼之義取
諸剗驩之義取諸錐詳釋言篇皆以鐵銳爲名也蒹與廉亦取

鐵銳義高誘呂覽孟秋紀注廉利也凡物之銳者必利廉
从廉卽廉利義也蒹从兼廉亦从兼則兼之从兼猶从廉
也方言剗鉤自關而西或謂之鎌釋名鎌廉也體廉薄也

其所刈稍稍取之又似廉者也案鎌廉也謂鋒廉利也不必如成國所說方言又云凡箭鏃胡合羸者四鎌郭彼注鏃棱也鏃之利者謂之鎌鉤之利者謂之鎌草之利者謂之兼與廉其義一也方言又云刈鉤江淮陳楚之間謂之鉋說文鉋大鎌也鎌或謂之鉋然則兼之於苕又如鎌之於鉋矣

蕪郭云蕪猶敷蕪亦華之貌郝懿行云玉篇廣韻竝云蕊花貌吳都賦異芳蘆蘷劉達注蕊蕪華開貌李善注蘆蕪與敷蕪同然則蕪蓋蕪之異文蕪省作蕊蘆省作蕊蘆

又敷之借聲也干寶注說卦傳震爲勇云勇爲花貌謂之敷是也楷案郝申郭義是也敷渝疊韻字單言之曰敷曰渝言敷如易說卦傳是也說文薄華葉布薄亦與敷同言渝則此文是也劉逵吳都賦注納者竹孚俞也漢瑟調曲隴西行好婦出迎客顏色正敷愉方言忿懥悅也倒言之曰揄鋪方言揄鋪毳也郭璞注謂物之扞蔽也皆形容之辭與此同也

釋木

櫟榦郭云柟屬也子大如盂皮厚二三寸中似枳食之少

味楷案郭說非也柤木大木也說文柤木可作牀几等是
之木不中材用若柚屬豈可作牀几乎段玉裁云本草陶
隱居說人參云高麗人作人參讚曰三極五葉背陽向陰
欲來求我柤樹相尋柤樹葉似桐甚大陰廣是則柤爲大
木故材可作牀几依段氏說是柤樹之形迥與柚殊且以
名義求之亦當爲大木機之言廢也釋詁廢大也說文機
海中大船也機亦與柤音義近柤之言假也釋詁假大也
大葵謂之葭大魚謂之鯰大鹿謂之麌大豕謂之彘大牛
謂之犧大木謂之柤其義一也說文本爾雅柤字不與橘

柚類廁可知許解爾雅必不得以爲柚屬矣不知景純何所據而云爾當從段說爲允

時英梅郭云雀梅郝懿行云說文秧梅也爾雅英梅說文秧梅蓋非果類故南都賦秧柘櫟檀連言可知秧梅非果類矣要術引郭此注英梅未聞然則今注雀梅非郭語也楷案郝說本段氏說文注其說是也廣韻模模梅也今之雀梅是雀梅之說出於廣韻但此木究不知爲何物李善注南都賦未詳惟說文秧字下載一說云一曰江南檀材其實謂之秧語亦不憭余友周維楨云榮而不實者謂之

英英梅蓋不實之梅如今紅綠梅蠟梅之類存參

榦桓柳郭云未詳或曰柳當爲柳桓柳似柳皮可以煮作
飲楷案榦當作櫻形近之誤說文柳櫻榦倨本也倨卽桓是
許所據爾雅不誤惟以櫻桓爲句桓爲句未是蓋桓柳雙
聲木名桓柳猶草名邛鉅也桓字不當連上讀櫻卽栟櫚
說文櫻栟櫚也是也郭引或說破桓爲桓甚爲紕繆然破
桓爲桓始以桓桓解之至玉篇廣韻乃竝云桓桓桓真可
槩

狄臧槔貢橐舍人本槔作臯樊本作楷郭云皆未詳楷案

依樊本是以狄臧爲一物榦貢綦爲一物玉篇楸臧槔也廣韻同卽引此文則以狄臧槔爲一物貢綦爲一物兩讀不同未知孰是

棟木桂郭云今江東呼桂厚皮者爲木桂楷案木字衍文也凡木以木某爲名者必下一字非木名故加木字別之如楸名木瓜櫞櫟名木堇之類是也否則但稱某木如棟木名干木祝名州木之類是也桂本木名又名木桂以別之斯無理矣木桂乃後世俗稱劉逵注吳都賦有此語非雅書中所宜有也說文棟桂也五經文字同是兩家所據

本皆無木字廣韻侵部侵木名桂也侵部侵桂木花白亦曰桂曰桂木不云木桂

杜赤棠樊云赤者爲杜楷案杜之言赭也杜从土赭从者兩音相近詩鴟鴟徹彼桑土釋文引韓詩作杜字林作虢是其證說文赭赤土也

休無實李郭云一名趙李楷案無實李謂無核李也下文座接慮李郭注謂今之麥李類聚引廣志云麥李實似麥粒細小有溝又駁赤李郭注謂子赤是則曰接慮說詳王念孫廣雅疏證曰赤皆依子言不依樹言此無實亦同子之實卽核

也下文桃李醜核郭注子中有核人核爲假借字本作覈周禮大司徒其植物宜覈物鄭注覈物李梅之屬說文覈實也是覈可謂之實此實字正指覈耳本草別錄徐李生太山之陰樹如李而小其實青色無核卽此物也

晉書郭云不著子者郝懿行云晏子春秋所謂東海有棗華而不實者也今樂陵棗無核非此楷案無實棗亦無核棗也上文壺棗要棗白棗酸棗大棗苦棗亦皆依子言此無實棗與之同也晏子所紀事本子虛晏子所謂佯問者佯對之也郭鄭兩說均不足據東山經云北號之山

有木狀如楊赤華其實如棗而無核其味酸甘食之不瘧
卽此類王士禎香祖筆記云卽吾鄉之盧中棗出青城縣
漢上林苑有柂棗見西京雜記東坡有與蒲傳正覓柿霜
無核棗帖見玉堂嘉話

還味榦棗郭云還味短味楷案郭以短釋還也方言榦短
也還與臘音義同

樸枹者孫云樸屬叢生謂之枹郭云樸屬叢生者爲枹詩
所謂棫樸枹櫟楷案枹櫟今詩晨風作苞櫟苞與枹同樸
與苞皆堅固之謂也攷工記欲其樸屬而微至鄭注樸屬

猶附著堅固貌是樸爲堅固之說也詩棫樸芃芃棫樸傳
樸枹木也鄭箋申之云白桞相樸屬而生證以攷工記注
則鄭意謂白桞之生旣芃芃然盛而其材又堅固也孔疏
引爾雅孫注以申之失其義矣方言樸聚也樸與樸別郭
彼注樸屬聚相著貌與此同誤苞者釋言云穠也攷工記
輪人穠理而堅鄭注穠致也致與緻同是苞爲堅固之說
也木之堅固者謂之苞故易否苞桑陸續注苞本也言其
堅固不亾詩鳩羽集于苞栩傳苞穠也箋穠者根相迫迮
捆致也斯干如竹苞矣傳苞本也陳奐疏以爲喻本根深

固也下文如竹箭曰苞卽本詩義言謂木之如竹箭堅固

者名苞也而說者亦或以叢生爲說何其左乎

孫注釋言
荀稷也云

物叢生曰苞齊人曰穠郭云今人呼物叢緻者爲穠陸續注京氏易傳苞桑云苞桑則叢桑也郭注下文如竹箭曰

苞云篠竹性叢生下文抱道木卽此所謂抱者也說文道迫也卽

鄭所謂根相迫迮捆致也本與魁瘞異物而郭注誤合爲

一亦以叢生解之云謂樹木叢生根枝節目盤結砲磊不

知此經之苞與諸經之苞竝無叢生義不識此解始於何人而諸家皆隨波逐流不能辨正也

榆白粉孫云榆白者名粉郭云粉榆先生葉卻著莢皮色

白楷案粉榆二字互譌榆有一種赤者曰榆白者曰粉故
曰粉白榆若如今作則白者爲榆赤者爲粉文義相反矣
詩東門之粉傳粉白榆也所據爾雅不誤孫叔然已據誤
本故以榆白爲逗粉爲句曲爲之說然攷前後文例如釋
草之薛白蘄藪赤苗芑白苗蕡赤莧穀黃蔴釋蟲之蟬白
魚釋魚之鯈黑鱠釋鳥之鶩白鶩釋獸之貘白豹麅白虎
麅黑虎貔白狐本篇之杜赤棠駿赤李檮白棗棟赤棟棫
白桺皆無以第二字爲逗者則其說未可從也鄭注內則
云榆白者粉此自爲說未必依據爾雅文孫以鄭君之注

說讀爾雅之誤文疏矣說文榆白粉誤同孫本玉篇粉白榆也榆白粉也廣韻榆下引說文粉下云白榆木名皆抵梧雜出諸家不知理董何哉

榮桐木郭云卽梧桐王引之云釋木所言灌木叢木廆木道木棧木干木皆泛言木之形狀非指一木以此例之榮爲桐木亦是通稱非謂梧桐也桐之言童也小木之名也淮南兵略篇曰夫以巨斧擊桐薪桐薪對巨斧蓋言其小者也榮亦小木之名說文榮桐木也桐榮也則許君已誤以也聲與榮並相近說文榮桐木也桐榮也則許君已誤以

桐木爲梧桐楷案淮南之桐薪猶詩之言棘薪栗薪穫薪
柞薪桑薪耳正指梧桐言非謂小木也上文輔小木則小
木名輔不名榮也桐之言通也茂木之名也漢書禮樂志
桐生茂豫靡有所訛顏師古注桐讀爲通茂豫美盛而光
悅也言草木皆通達而生美悅光澤各無所訛皆申遂也
此桐字讀如之榮亦茂木之名卽其本義故引申之爲榮
辱許君誤解爾雅郭沿其說王氏改讀桐爲童皆非也

糜桑山桑郭云似桑材中作弓及車轍楷案糜爲桑類則
桑爲大名糜爲小名然以山桑別其名則上桑字疑衍文

如栢山棖櫟山樗不云栢棖山棖櫟樗山樗也釋草蘷山
韭等文例亦同上文櫟桃山桃櫟下桃字亦後人所增觀
李善注文選謝靈運酬從弟惠連詩引無桃字可見詩皇
矣傳說文玉篇廣韻五經文字並云糜山桑也是諸家所
據爾雅本皆無上桑字詩疏史記夏本紀索隱後漢書馬
融傳注並引爾雅亦無上桑字宜據刪

如木楸曰喬郭云楸樹性上竦楷案木楸二字不詞如槐
曰茂亦不云木槐也如竹箭曰苞如松柏曰茂皆兩物並
舉疑此亦其例木字蓋闕壞字

瓜曰華之郝懿行云華猶剗也蓋言析之而不絕也楷案
郝說是也華與剗音相近今人猶謂以刀裂物爲華開
桃曰瞻之楷案華亭雷補同云禮內則桃曰瞻之鄭注謂
治擇之名孔氏云去毛拭治令色青滑如瞻夫如瞻之說
殊屬附會而拭治之義自無可易瞻卽幟之假借說文幟
拭也从巾鐵聲巾所以拭物故幟字从巾今蘇俗刷塵之
帚曰擔帚音轉如瞻其實卽幟也幟與瞻音相近

小枝上縹爲喬郭云謂細枝皆翹縹上句者名爲喬木楷
案縹曲也故郭以上句言之喬兼高曲二義上文句如羽

喬上句曰喬言其曲也如木柂曰喬槐棘醜喬言其高也此則兼兩義爲名廣雅驕驕也驕與驥通驕與喬通集韻引埤蒼云驕細長也亦此經之義

釋蟲

蠶茅蜩郭云江東呼爲茅截似蟬而小青色楷案蠶之言少也方言少小也說文叢束髮小小也依廣韻引廣韻叢小灑纖小衣鵠小雞竝與蠶音義同

蜺寒蜩郭云寒蟬也似蟬而小青赤楷案說文霓屈虹青赤也青赤之虹謂之霓青赤之蟬謂之蜺其義一也

蝎蛣𧈧郭云木中蠹蟲楷案卽下文之蝤蛴蠋蝎桑蠹也說文𧈧作𧈧云蛣𧈧也蛣𧈧者象蟲屈曲之形也說文𧈧詰詶也頓頭頡頓也語之曲曰詰詶頭之曲曰頡頓蟲之曲曰蛣𧈧其義一也

蠋𧈧𧈧李云𧈧𧈧一名蠋蠋蝗子也郭云蝗子未有翅者外傳曰蟲舍𧈧蠋楷案春秋宣十五年冬蠋生漢書五行志引董仲舒劉向說以爲蝗始生何注公羊謂卽蠋也杜注左氏謂螽子皆本董仲舒劉向說志又引劉歆說以爲𧈧𧈧之有翼者食穀爲災然飛𧈧不聞食穀孔沖遠已非

之說文所引劉歆說以爲蚍蜉子近之鄭注祭統陸產之
醢云蚍蠭之屬卽本許所引劉歆說然蝗子爲一說蚍蜉
子爲一說皆與螟蛉不相涉說文蠭復陶也劉歆說蠭蚍
蜉子董仲舒說蝗子也三說並列不相蒙混可證韋昭注
魯語蟲舍蚍蜉云蠭復陶也可食始誤以復陶爲蚍蜉子
李郭注此又誤以復陶爲蝗子郭引外傳爲證則又蚍蜉
子與蝗子不能分今以名義求之襄十二年左傳秦復陶
杜注秦所遺羽衣也又三十年傳使爲君復陶杜注復陶
主衣服之官是則復陶本羽衣之名故主衣服之官亦名

之此蟲名與羽衣名同是必非無羽翼者可知而蚍蜉子
與蝗子之說可不辨而知其爲牽合矣玉篇蠛蠻也亦蝗
子蠛與蚌同廣韻蚌蠻名則上一說仍是劉歆說下一說
仍是董仲舒等說然則蝮蠘之說諸書無徵當在闕疑之
例不當牽合他說爲說也

蜎毛蠹郭云卽蟻楷案此蟲今俗謂之刺毛多在樹木上
段氏說文注謂蜎能食木是也

螺蛄𧈧郭云蟻屬也今青州人呼蟻爲蛄𧈧孫叔然云八
角𧈧蟲失之楷案此蟲今俗謂之爛蟲多在菜葉及花果

樹上色青項上有八長豪如鷁磔人卽腫爛孫所說八角卽此也郭誤駁

翰天雞郭云小蟲黑身赤頭一名莎雞又曰樗雞楷案郭以莎雞爲天雞是也而又云樗雞則非辨已詳郝疏陸璣詩疏謂莎雞如蝗而班色毛翅數重其翅正赤是天雞者赤羽之蟲也釋鳥鶡天雞郭注鶡雞赤羽此蟲借其名說文無翰字釋文本作翰云字林作翰又云鶡本又作翰是釋蟲釋鳥篇皆當作翰翰之言翰也說文翰赤色也赤羽之鳥謂之翰赤羽之蟲謂之翰其義一也

𧔗𧔗𧔗𧔗𧔗郭云𧔗在糞土中𧔗在木中今雖通名爲
𧔗所在異郝懿行云𧔗𧔗青黃色身短足長背有毛筋從
夏入秋蛻爲蟬𧔗𧔗白色身長足短口黑無毛至春羽化
爲天牛楷案郝疏分別二物甚明𧔗𧔗𧔗皆雙聲字𧔗
與𧔗則皆因其色名之也𧔗之言賁也色不純也呂覽壹
行篇孔子卜賁曰不吉子貢曰夫賁亦好矣何謂不吉孔
子曰白者白黑者黑夫賁又何好乎高誘注賁色不純也
是也易釋文引王肅注賁有文飾黃白色亦其義此蟲青
黃二色故以𧔗爲名也𧔗之言鵠也謂色白也廣雅玉篇

並云蝎白也廣韻蝎白色是也士喪禮既豆兩鄭注蝎白
也釋草蕡艺輿從釋文說_{刪車字}御覽引廣志謂白華並與蝎音
義同詩碩人領如蝤蛴傳蝤蛴蝎蟲也孔疏謂在木中白
而長故以比頸是其義也

𧈧𧈧長踦郭云小籠鼈長脚者俗呼爲喜子楷案𧈧𧈧長
腳貌也說文櫺長木貌𧈧與櫺音同釋木梢梢擢郭注謂
木無枝柯梢擢長而殺者蛸亦與梢音同張衡西京賦飛
罕瀟箭薛綜注瀟箭罕形也瀟箭與𧈧𧈧語意相類

國貉蟲𧈧郭云今呼蛹蟲爲𧈧廣雅云土蛹𧈧蟲楷案蟲

蠻不詞當作蠻蟲廣雅蠻蟲正本此

熒火卽炤舍人云熒火卽炤夜飛有火蟲也李云熒火夜飛腹下如火光故曰卽炤楷案熒火小火也楚辭哀歲鬼火兮熒熒王逸注熒熒小火也此蟲腹下有光如小火故名熒火亦名卽炤釋文本熒作螢俗字

蛣烏蠋孫云蛣一名烏蠋郭云大蟲如指似蠶楷案此蟲今俗謂之豆毒多在豆田中菜園亦有之說文蜀葵中蠋葵卽謂菜也詩東山蜎蜎者蠋烝在桑野傳蠋桑蟲也此說非是羅願爾雅翼云說文蜀葵中蟲也古人有言蓼蟲

不知徙乎葵菜葵菜之甘者也今蜀食葵之甘故其體肥大亦食於蠶而不食桑詩乃稱蒸在桑野者葵蠶之下乃桑野之地也此說足正毛公之誤不以人廢言可也

蠻蠻蠻孫云此蟲微細羣飛郭云小蟲似蚋喜亂飛楷案史記司馬相如傳蔑蒙踊躍集解引漢書音義云蔑蒙飛揚也索隱本作篾蒙引張揖云篾蒙飛揚也此蟲喜亂飛故得蠻蠻之名與

王蚨蜎郭云卽蠅蠅似蠅龍在穴中有蓋今河北人呼蚨蜎楷案此蟲今俗謂之麥駝子小兒以麥芯繫餌刺其穴

釣之謂之釣夢駝子

釋魚

鯉鱣鰐鮎鯈鯇舍人云鯉一名鱣鱣一名鯈孫云鰐鮎一魚鰐鯈一魚郭云鯉今赤鯉魚鱣大魚似鱣而短鼻口在頷下體有邪行甲無鱗肉黃大者長二三丈今江東呼爲黃魚鱣今偃額白魚鮎別名鯁江東通呼鮎爲鯁鰐鯧也鯧今鱣魚似鱣而大楷案郭分六物與舍人叔然說異非古義也近李淳羣經識小焦循毛詩補疏辨之已詳然爾雅一書其釋蟲魚草木亦有二例有二名互釋者亦有單

舉一名者二名互釋則小名之下不復連舉其大名單舉
一名則小名之下必連大名言之如釋蟲之言蠅蜩螗蜩
擇鳥之言鵠雉鶴雉鳩雉驚雉釋獸之言鼴鼠十三鼠釋
畜之言犧牛七牛皆是也若鯉鱣等爲六魚亦當云鯉魚
鱣魚鱸魚鮎魚鱠魚鯀魚矣方與全書之例合此又可爲
難郭者增多一義者也

鯈黑鱗郭云卽白鱠魚江東呼爲鯈楷案郭說非也說文
儻儻魚也不云卽黑鱗玉篇鯈魚也或作鮒又云鮒魚名
又云鱠黑鱗也亦不云卽白鱠且經言黑注言白名與實

相反矣不可通也廣韻尤部云鯢烏化爲魚頂上有細骨如禽毛是鯢魚非白條甚明又模部云鯒鯷魚月令云九月有寒鳥入水化爲鯒鯷魚說與尤部合以兩說證之則鯢魚爲鯒鯷魚矣鯒鯷魚一切經音義引埤蒼云腹中有骨出南郡背有一骨闊二寸許有鬚甚長口中有墨噴則漢人陶注本草云是鸚鳥所化其口腹猶相似腹中有墨能吸波濱墨令水溷自衛皆其情狀也蓋鸚鳥黑故化爲魚仍黑名黑鱉鯒鯷乃黑鱉一聲之轉逸周書王會篇鯷鯷之醬鯷字今佚據書鈔引補孔晁注鯷魚名卽此物也郭注固誤

近俞樾說更謬不錄辨

鯉大鯛小者鯈郭云今青州呼小鯉爲鯈楷案鯉之言堅也長大之稱也逸周書謚法解堅長也長卽大高誘呂覽任數篇注長大說文堅大貌賢大目也廣雅賢大也竝聲近而義同

鯈之言兌也細小之稱也釋名幘或曰兌上小下大兌兌

然也方言榦小也說文鯈小餕也杜注昭十六年左傳鯈細小也顏師古急就篇注榦小杖也廣韻鯈細紬集韻祝小祭也亦聲近而義同

鯈鯀郭云未詳邵晉涵云卽鮒魚也郝懿行云廣韻鰐鯈

魚名鰐鯀卽鰐鯀本草別錄作鰐鱣楷案郝說是也鰐鯀雙聲鰐之名鯀猶黎之名萊玉篇廣韻竝云萊黎草是也別錄作鱣者鱣卽鰐之正字說文有鱣無鰐利聲麗聲通用書禹貢厥土青黎史記夏本紀作青驪卽其例魚名鯀又名鱣亦如馬名駢又名驪釋畜駢牝驪牝諸本皆誤作誤不惟雪窗本是也廣韻云鰐鯀別錄云鰐鱣則鯀又有鰐名說文鰐鰐魚也卽此鯀之爲鰐與萊之爲蔓華義又同說文萊蔓華也是也

魁陸郭云本草云魁狀如海蛤圓而厚外有理縱橫卽今

之蚶也楷案魁蛤爲大蛤郭云圓而厚魁陸卽取大與厚爲名也廣雅魁大也陸厚也是其義也

蜩蛻郭云未詳翟灝云釋蟲蛻蝮蜩郭氏定爲蝗子斯蜩亦斯物也嚴元照云蜩乃蜩字之譌說文蜩蛻𧔗詹諸以脰鳴者此下卽係以𧔗詫詹諸故疑必蜩之誤明郎奎金鍾人傑刻本皆作蜩蛻未必無由楷案作蜩是也但非詹諸耳詹諸有蜩名無蛻名也蜩乃鯈之假音說文鯈魚也出樂浪番國一曰鯈出九江有兩乳一曰溥浮溥浮卽今之江豬蓋樂浪番國及九江皆有之故許君並載其說文

選江賦魚則江豚海豨李善注引南越志云江豚似猪本
草拾遺江豚狀如猪鼻中爲聲出沒水上舟人候之知大
風雨皆此物也玉篇鰐鰐魚一名江豚欲風則踊何超晉
書夏統傳音義引埤蒼云鰐鰐鯛魚也一名江豚多膏少
肉鰐鰐鯔鰐並與溥浮同聲轉而爲奔鰐又爲鰐鯔酉陽
雜俎奔鰐一名濁大如船長二三丈色如鮀有兩乳在腹
下項上有孔通頭氣出轘轘作聲必大風行者以爲候御
覽引魏武四時食制云鰐鯔魚黑色大如百斤豬黃肥不
可食數枚相隨一浮一沈一名敷常見首出淮及五湖是

也名𧈧者卽借豕之名以爲名也釋獸豕絕有力𧈧𧈧與
𧈧同也

蜎蜎小者𧈧郭云螺屬見埤蒼楷案廣雅滑澤也蜎之爲
蜎猶滑之爲澤與廣韻𧈧小蟬小螺謂之𧈧猶小蟬謂之
𧈧與

後弇諸獵郭云甲後長郝懿行云獵之言捷也捷謂接續
此龜後甲長若後有接續也楷案說文儼長壯儼儼也引
春秋傳曰長儼者相之今昭七年左傳作𧈧廣雅儼長也
說文𧈧或作𤊚廣韻𤊚長毛釋畜𤊚牛郭注旄牛也𣪘膝

尾皆有長毛義並與獵近文選景福殿賦獵捷相加李善注謂獵捷相接故郝云獵之言捷謂接續也廣韻磾崑山之連接磾崑與獵捷音義亦同也

二曰靈龜郭云涪陵郡出大龜甲可以卜緣中文似璣瑁俗呼爲靈龜卽今觜蠣龜一名靈蠣能鳴邢疏云龜之有靈次神龜者檔案邢說是也易頤舍爾靈龜史徵口訣義云靈龜謂神龜明兆之物是靈龜卽神龜之類尙書大傳龜之爲言久也千歲而靈禽獸而知吉凶者也是其義

三曰攝龜郭云小龜也腹甲曲折解能自張閉好食蛇江

東呼爲陵龜楷案郭說非也攝龜次於神龜靈龜則亦神
靈之類也黃先生云神靈攝以氣言說最精塙史記龜策
列傳南方老人用龜支牀足行二十餘歲老人死移牀龜
尚生不死龜能行氣導引卽其類此龜能導引攝生故名
之曰攝諸書載此事甚多不備引

四曰寶龜郭云書曰遺我大寶龜楷案寶龜大龜也寶與
保同易繫辭傳大寶釋文引孟喜本作保是其證虞翻注
漸象傳云保大也記樂記天子之寶龜也史記樂書作葆
龜葆亦與保同書禹貢大龜詩泮水元龜皆寶龜類也黃

先生云說文云龜甲邊也天子龜巨鼈尺有一寸諸侯尺大夫八寸士六寸漢志孟康注云毋龜甲邊也巨至也度背兩邊緣尺二寸也則尺二寸之龜言其廣不言其修公羊傳云龜青純純卽緣樂記云青黑緣者天子之寶龜緣卽龜甲之鼈龜以兩鼈相距盈尺者爲寶諸侯用一尺龜故曰以龜爲寶天子龜長尺二寸大於諸侯故曰遺我大寶龜大夫八寸士六寸皆不盈尺故曰家不寶龜

五曰文龜郭云甲有文彩者河圖曰靈龜負書丹甲青文稽案郭所引河圖說乃靈龜之有文者當屬靈龜類蓋靈

可以兼文文不可以兼靈也郭注靈龜云陪陵郡出大龜
緣中文似璣瑁卽今鼈蠟劉逵注吳都賦云龜鼈龜屬也
其形如笠四足緩胡無指其甲有黑珠文彩似璣瑁可以
飾物此則文龜之類

九曰水龜十曰火龜郭云此皆說龜生之處所火龜猶火
鼠耳物有含異氣者不可以常理推然亦無所怪楷案郭
意以山澤水火皆爲龜所生之處故因以爲名然龜本水
物十龜中去筮龜山龜火龜類皆生於水安得水龜復占
一類且澤龜與水龜又何所分別乎竊意水火二類當別

有說近閱碑史見毛祥麟墨餘錄載一事云上海城西顧某家畜一婢同治四年秋雨初霽婢於宅後溪中汲水獲一龜大如茶杯尾若葵扇入手時龜首仰上口吐火星如爆竹婢驚喜持入以告主母婦以爲怪叱使擲之觸石而火星復冒婦驚令棄諸廁欲厭勝之也後言於眾或曰此神物也爾雅云天下神龜有四各居其一方其龜皆九尾居東方者能吐火得之家可致富今瀆如此恐獲天譴顧大悔使求諸廁則已無跡矣毛所引或說爾雅云云與經不合未知何本然龜能吐火亦是異事究未識卽爾雅之

火龜否姑錄之以備攷

爾雅釋疏卷三終

爾雅稗疏卷四

江陰繆楷嘯仙述

釋鳥

鶴鶩鵝郭云今之野鵝楷案說文無鶩字云鶩箋鵝也以鶩爲逗鶩鵝爲句玉篇廣韻並云鶩鶩野鵝也並以鶩鶩爲逗鵝爲句然鵝爲舒鴈之名不當與野鵝混稱當從許讀

與鶩鶩郭云未詳翟灝云此鳥與鼠同穴因有與名後文其鳥名鶩其鼠名鼈鵠鶩字同鶩又其別名梁玉繩警記云樊孫本與作鷙則卽鷙斯也楷案廣雅鶩雀怪鳥屬也

玉篇鷦鷯鶠又云鶠鶠也又云鳩鳩鶠鳥喙蛇尾也廣韻鳩鶠鳥烏喙蛇尾也參諸說似當以與鷦爲逗鶠爲句然張云怪鳥願云蛇尾鳥則非下文之鶠及鷦斯也

鶠天雞樊云一名山雞郭云鶠雞赤羽逸周書曰文鶠若彩雞成王時蜀人獻之楷案鶠當作翰釋文云本又作翰是也說文翰天雞也赤羽亦引逸周書又云鶠雞肥翰音者也魯郊以丹雞祝曰以斯翰音赤羽去魯侯之咎是鶠爲赤雞之名天雞字當作翰也翰與鶠音義同翰之言翰也說文翰赤色也赤羽之雞謂之翰因之赤羽之鳥謂之

翰亦曰天雞且因之赤羽之蟲亦謂之翰亦曰天雞也樊
云山雞山雞卽鷩雞非天雞也

鴟鴞剖葦楷案廣雅蠉𧈧𧈧也方言作𧈧𧈧蟲名𧈧𧈧鳥名
鴟鴞物異而名同

燕白脰烏楷案當作燕烏白脰燕本鶡鳥不當與烏混稱
小爾雅白項而羣飛者謂之燕烏正本此又爾雅文法如
白州驥黑脣鵠等以形色別者皆不連大名言亦可證此
文之誤

鷩鷮鳥孫云鷩鷮水鳥郭云似雉青身白頭楷案此鳥今

俗謂之釣水白頭似雀而小郭云似雉則非水鳥之白頭鳥矣非也山堂肆考鳥有名白頭翁者形如鵠鵠其飛如燕之頡頡頭上有白毛身蒼色事物紺珠白頭翁似鵠鵠有三種一青白色一綠衣素襟頂毛圓白如小錢愛往來花間一純黑身紅足朱喙首白皆其情狀也名鶯者以其頭白稱之也鶯俗字當作胡釋文本正作胡僖二十二年左傳雖及胡耇杜注胡耇元老之稱頭白之人稱胡故頭白之鳥名胡與

翠鵠郭云似燕紺色生鬱林楷案紺者深青揚赤色也翠

羽青赤色故名鵠鵠之言裔也魏都賦裔雲翔龍劉遠注
裔雲者外赤內青也開元占經日占篇引石氏云氣青赤
曲向外中有一橫狀如帶鉤名爲璫說文螭𧔉也爾雅作
𧔉云𧔉𧔉郭注甲蟲也大如虎豆綠色義並與鵠近

鷩白鷩郭云似鷩尾上白楷案鷩俗字當作楊廣雅楊揚
也楊爲鷩厥性飛揚故曰楊詩大明時維鷩揚傳謂鷩揚
如鷩之飛揚也是也白鷩猶言白鷩也說文鷩臂骨也王
冰素問骨空論注尾竈謂之櫟骨櫟與鷩同

寇雉汎汎郭云卽鶡鳩也已詳上文楷案上言鶡鳩寇雉

下言秩秩海雉疑寇雉涉上文而誤衍泲泲涉下文而誤衍也

倉庚商庚郭云卽黎黃也毛奇齡續詩鳥傳名云黎黃黃鸝皆以一黃一黑爲名惟倉庚不可解舊注倉爲穀藏倉黃者穀熟之色則倉本黃色庚者更時之鳥也又作商庚商倉音譌档案徧檢傳記無以倉作黃色解者毛說殊穿鑿郝疏謂黎黃言其色商庚象其聲近之

鶡諸雉郭云未詳或云卽今雉翟灝云此總釋諸雉下遂分列鶡雉鶡雉等名其鷺春俎一句誤脫在此下耳梁玉

繩幣記云此錯簡也鷓字在下文鷺春鉏之上黑爲鷄白爲鷙也諸雉二字在下文鷄雉之上雉有數種故以諸雉冠之楷案說文言雉有十四種盧諸雉亦其一是盧爲一雉之名非凡雉皆名盧也鷙有白鷙朱鷙未聞有黑鷙爾雅所釋亦無總冠都凡之例翟梁之說俱非也以名義求之當爲黑雉黑弓曰盧弓書文侯之命盧弓一枚傳盧黑也黑橘曰盧橘司馬相如上林賦盧橘黑犬曰盧犬孔叢子執節篇申叔夏熟晉灼注盧黑也問曰大馬之名皆因其形色而名焉惟韓盧朱鷙獨否皆其義夏小正元雉入何也子順答曰盧黑色鷙白色皆其義夏小正元雉入於淮爲蜃漢書平帝紀越裳重譯獻黑雉二卽此張揖上

林賦注鷓白雉白疑黑之誤

韓雉鶡雉郭云今白鶡也江東呼白韓亦名白雉楷案韓與鶡皆白色之稱也韓本訓爲山鵠見說文此字當作翰釋文云字又作翰是也記檀弓殷人尙白戎事乘翰鄭注翰白色馬也引易曰白馬翰如是翰有白義也鶡之言卓也鶡俗字當作卓覲禮匹馬卓上鄭注卓猶的也以素的一馬以爲上是卓亦白義也西山經播冢之山多白翰翰卽韓故郭彼注白翰白鶡也亦名鶡雉與此注合也說文分爲二雉非是

釋獸

麋牡麐楷案物之牡者必大故牡者命名多取大義說文
馨大鼓也橐車上大橐牡麋之名麋亦以其大也

其子麇郭云國語曰獸長麋麋楷案麋俗字當作天淮南
本經訓剖胎殺天主術訓不取麋天高誘注並訓麋子是
也天爲少長之義書禹貢厥草惟天傳少長曰天釋文亦
云一曰少長曰麇也說文杖木少盛貌引詩桃之杌杌今
詩亦作天草之少長謂之天木之少長謂之天麋之少長
謂之天其義一也

絕有力麋楷案麋之言堅謂堅强有力也下文麌絕有力
麋與此同名同義故詩騶虞疏謂釋獸麌鹿皆云絕有力
者麋七月疏謂釋獸釋云鹿與麌皆云絕有力麋也說文
犴獫犬也一曰逐虎犬小爾雅豕之大者謂之犴犴犬之
絕有力者謂之犴豕之絕有力者謂之犴鹿之絕有力者
謂之麋其義一也今爾雅下文作麌絕有力犴廣韻引作
麌絕有力犴則犴犴麋三字通矣

兔子媿郭云俗呼曰麌楷案媿者媿之借字也釋文本正
作媿說文媿兔子也媿疾也通作媿說文麌生子齊均也

卽此嬈字又通作嬈方言嬈耦也郭彼注一作嬈玉燭寶
典二引倉頡篇云嬈子出嬈𡇻嬈皆同嬈嬈之言免也新
生弱小之稱也記內則免薨鄭注免新生者大戴禮公冠
篇推遠稚免之幼子盧辨注免猶弱也文選思元賦舊注
引纂要云齊人謂生子曰嬈皆其說也

豕子豬郭云今亦曰彘江東呼豨皆通名楷案說文豬豕
而三毛叢居者三毛叢居謂一孔生三毛也是豬與諸音
同爲叢聚義史記夏本紀彭蠡旣都索隱都古文尙書作
豬鄭元云南方謂都爲豬則是水聚會之義此正借豬字

本義用之又下文云豕生三彘說文謂一歲曰彘尙叢聚
也是彘亦取叢聚義初學記引篆文云齊徐以小豬爲彘
玉篇彘小母豬彘亦从聚字也豕生子最繁多故其子曰
彘曰彘曰彘皆以聚爲名也

彘彘亥幼郭云俗呼小彘豬爲彘子最後生者俗呼爲亥
豚楷案四字與上豬字並列皆豕子之名下文三彘二師
一特又釋多少之異名郭以彘彘爲一物亥幼爲一物非
也彘者郭注釋草蕪芋云今俗呼草木華初生者爲芋音
彘豬是彘與芋音同者義卽通華之初生者謂之芋

豕之初生者謂之穠其義一也說文鰥魚子已生者魚之
子名鰥故豕之子亦名穠也詩般傳墮山之墮墮小者也
顏師古急就篇注櫛小桶也亦與穠音義近穠者易大畜
穠豕之牙牙當從鄭讀爲互與童牛之告語意同是童牛
爲小牛穠豕爲小豕也釋草廣枲實孫注廢麻子也豕之
子爲穠猶麻之子爲廢矣亥幼義習見不贅

絕有力麤釋文云麤本或作磼同五咸反楷案廣雅威健
也麤與磼並與威音義同故熊虎之絕有力者名之也

貔白狐其子穀舍人云貔名白狐其子名穀楷案說文穀

小豚也穀爲豕子之名而貔之子亦名穀者猶狗爲犬子而熊虎之子亦名狗皆以小義稱之也說文穀鳥子生哺者莊子駢拇篇臧與穀二人釋文引崔譏本穀作穀云孺子曰穀廣雅穀雛也並與穀音義同

麌大羊郭云麌羊似羊而大角圓銳好在山崖間楷案麌从靄靄與靈通詩靈雨石鼓文作靄是也又與令通說文輅司馬相如說作輅是也靄靈令三字通故麌羊字後漢書作靈廣韻作麌本草作羚廣雅作泠靄靈令俱訓善釋詁令善也廣雅靄善爲大柔箋善故爲大羊之名釋草靄令也靈善也

大苦名義相同矣

麌大麌釋文云麌音京本或作麌同楷案疋聲與京聲相通故陸氏云云說文麌大鹿也或作麌又云鱣海大魚也或作鯨麌之通作麌猶鱣之通作鯨也麌从疋疋之言彊也謂彊効有力也西山經英山其上多杻檼郭注檼木中車材則檼木大木也說文牿牛長脊也則牿牛大牛也麌从京釋詁京大也文選羽獵賦騎京魚李善注京魚大魚也字或爲鯨鯨亦大魚也大魚謂之鯨字通作鱣與大麌謂之麌字通作麌其義同也

彙毛刺郭云今蝟狀似鼠楷案此獸吾邑俗謂之偷瓜獮
獮語載江陰縣志彙與獮一聲之轉以其善盜瓜故有偷
瓜之名矣謂之彙者王念孫云以其毛刺外向有彙彙也
孫注櫟其實櫟云有彙彙自襄義通於此矣是也

威夷長脊而泥郭云泥少才力錢大昕云泥當爲闡聲相
近而借用也說文闡智少力劣也漢書或作荼古音爾與
尼相近邵晉涵云說文委虒虎之有角者也威夷卽委虒
廣韻虒似虎有角好行水中郝懿行云釋文泥奴細反依
廣韻則泥應讀如字楷案錢說是也如廣韻說則經文但

言泥字文不成義以義求之威夷非卽委麌也易林大壯
之鼎長尾委蛇李善文選南都賦注委蛇長貌傅毅舞賦
蟠蛇嫋嫋今案委蛇蟠蛇並與威夷同蟠蛇與嫋嫋連文
是威夷之命名實兼長脊與泥之義並非似虎有角者但
未識於今何物莊子達生篇食之以委蛇釋文引司馬彪
注委蛇泥鰐泥鰐亦長脊而泥者魚之長脊而泥者謂之
委蛇獸之長脊而泥者謂之威夷其義同矣

康迅頭郭云今建平山中有康大如狗似獮猴黃黑色多
鬚鰐好奮迅其頭能舉石擿人猩類也楷案郭所說名義

皆非也此篇文例與他篇異故釋名之後兼釋其形又釋其性釋其形如修豪長脊短脰卬鼻之類是也釋其性如登木乘領善顧好曠之類是也此云迅頭乃釋其形非釋其性郭乃以奮迅其頭解之左矣郭既以迅頭爲奮迅其頭故不得不以似獮猴之獸爲說然如其說則西山經稱崇吾之山有獸如禺而文臂善投名曰舉父卽此獸是此獸名舉父不名麋也竊謂迅當讀如巖峻之峻釋詁駿速也郭注駿猶迅也又迅疾也釋文信峻二音上文絕有力迅釋文音信又音峻是迅峻二字可通之證峻高大也峻

頭謂頭高大也。康字从豕，當是豕類說文引司馬相如說
康封豕之屬玉篇亦云：封康豕屬也。封豕頭大，故云峻頭。
文選上林賦射游梟櫟蜚遽李善注引高誘淮南子注梟
羊山精也似遽類案梟羊似遽則遽必似梟羊然則遽卽
是康其說亦與說文玉篇合以彼爲證亦非似獮猴之獸
明矣。又案康爲猛獸，故鐘之柎刻以爲飾，其名曰鎸鎸。
字从金从康，會意。莊子達生篇削木爲鎸，釋文引司馬彪
注：鎸樂器也。似夾鐘。案似當作以段玉裁云廣韻引埤蒼
是誤正
與此同周禮典庸器鄭注：橫者爲筭，從者爲鎸。是也。說文

虞鐘鼓之柎也飾爲猛獸从虎畀象形其下足又云鎸或从金虯又云虞篆文虞許以虞爲篆文則虞與鎸皆爲古文可知許以虞爲象形於鎸云从金虯不言虯聲則鎸爲形聲而兼會意又可知攷工記梓人云虯屬恒有力而不能走其聲大而宏若是者以爲鐘虞鄭注嬴者謂虎豹貔螭爲獸淺毛者之屬虯爲封豕豕身胖大正有力而不能走之物與記所言合鄭云之屬固略舉以該其餘之辭許云節以猛獸亦渾括諸猛獸在內非謂虯不在其列也自後人創爲虞爲神獸之說如張揖上林賦注賦云櫟蜚遽注蜚遽天上

神獸也鹿頭而龍身又云立萬石之虞注虞獸重百二十萬斤以俠鐘旁顏師古漢書郊祀志云虞神獸名也縣鐘之木李賢後漢書董卓傳注云前刻飾爲之因名曰虞也

李賢後漢書董卓傳注

云前書音

義云虞鹿頭龍身神獸也廣韻八語云飛虞天上神獸也鹿頭龍身引說文云云

所稱皆是

然語涉荒誕全非古義等諸齊諧之志怪可矣

時善乘領郭云好登山峰邢疏云好登山峰之一獸也楷案注疏訓善爲好以好登山峰解善乘領是以時爲逗善乘領爲句近吳世旂廣廣事類賦云時善好登自注爾雅時善乘領時善好登山峰之一獸也誤以時善爲逗乘領爲句與善登木善援善顧等文例不合當從注疏爲允但

時爲何獸則俱未能詳疑時者是之借是者磼之省玉篇
磼犬也其字與猲字類廁此經亦文承雖字下當是野犬
類似磼猱而捷黠者故性能乘領與惜其詳不可得聞也
闕洩多狃郭云說者云腳饒指未詳張照爾雅注疏攷證
云洩與渫同猩猩有牝無牡故云闕洩伏行交足故云多
狃非別有獸也當連猩猩小而好曠讀楷案郭引或說訓
多狃爲饒指蓋據上文其迹公釋文引字林或作狃公狃
相通言然說文訓公爲獸足蹠地非指蹠地之獸足爲公
也其說非是張氏攷證說又附會闕洩字義連上猩猩讀

更屬憇臆竊謂洩與泄同故釋文本作泄闕从歛聲與厥
从歛聲同厥通蹶左傳蹶由漢書古今人表作厥由是其
證說文蹶或从闕作蹣則闕亦與蹶通是闕洩猶蹶泄矣
釋木蹶泄苦棗郝疏謂今登萊人謂物之短尾者爲蹶泄
音若厥雪是蹶泄二字乃疊韻形容字與威夷字同短尾
雖今之方言亦必相傳自古方言翫短也郭注蹶翫短小
貌廣韻倔強短貌疑皆蹶泄之異文說文狃狎也依桓二
年左傳疏詩大叔于田傳狃習也然則此獸蓋尾短而性狎習者
故名闕洩又名多狃與

鼴鼠鼴鼠郭云鼴鼠地中行者鼴鼠以頰裹藏食龍啟瑞爾雅經注集證云所舉鼠名皆上下互釋故字林云鼴鼠卽鼴鼠也以豹文屬鼴鼠則上下六鼠適得其均於全書之例方合檔案龍氏不明爾雅之例其說非也說詳釋魚

篇

鼴鼠郭云有蟄毒者徐孚吉云鼴之言奚也弱小之稱也文選答客難注引鼴作奚唐書李賀傳從小奚奴謂小僮也說文奚生三月豚謂小豬也釋蟲𧈧𧈧郝疏其色青碧形小修長謂小蟬也又蟄螽蟻𧈧郭注今呼似𧈧𧈧而細

長飛翅作聲者爲奚𧈧謂小蝗也凡从奚聲字多有幼小
義楷案徐說是也从奚聲字多有小義故谿者小穴也

素問

氣穴論肉之

雞者小畜也

漢書五行志

驥者小馬也

說文

野馬屬張揖子虛賦注野馬似馬而小

鼷者小畜也

廣韻鼷

此鼠至小亦得

鼷名釋文引博物志云鼠之最小者或謂之耳鼠是也

人曰擣郭云頻伸天擣楷案頻伸天擣今俗謂之伸懶腰經典單謂之伸儀禮士相見禮記曲禮少儀內則並云欠伸鄭注相見禮云志倦則欠體倦則伸是也或謂之頻伸

鄭注少儀云伸頻伸也淮南精神訓熊經鳥伸高誘注亦

云伸頻伸也是也通作嚙呻華嚴經師子嚙呻音義云毛詩傳頻急也伸舒也謂有勞倦者以手足胷背左右上下或急弩或舒展用自解其勞倦是也天矯亦作天螭司馬相如上林賦天螭枝格郭被注天螭頻伸也是也邵郝二疏申郭注俱未詳明

魚曰須郭云鼓顎須息楷案須與胥通詩桑扈疏胥須古今字耳是其說釋名蟹胥取蟹藏之使骨肉解胥胥然也是胥爲形容之辭此須字讀如之蓋狀其掉尾揚鬚之致也

釋畜

駒馬野馬郭云山海經云北海有獸狀如馬名駒駘色青野馬如馬而小出塞外潘衍桐爾雅正郭云郭注本衍馬字誤分二條舊本當作駒駘野馬合爲一條楷案爾雅有單舉例有互釋例單舉則小名之下必連大名言之互釋則否若云駒駘馬則爲單舉例然駒駘實卽野馬而野馬又非一品不當別駒駘於野馬外而又泛以野馬爲釋依義求之潘說是也釋文引字林云駒駘一曰野馬也漢書百官表駒駘承華如氏注駒駘野馬也淮南主術訓騎

驃馬而服駒駉高誘注駒駉野馬也皆以野馬釋駒駉其
讀爾雅皆合爲一條義勝於郭逸周書王會篇駒駉與野
馬並稱子虛賦軼野馬而轉駒駉亦分二物皆郭注所本
然與爾雅正名之例不合矣顏師古百官表注駒駉出海
中其狀如馬非野馬也亦顯與雅義違

駮如馬倨牙食虎豹舍人云駮多力獸也郭云山海經云
有獸名駮如白馬黑尾倨牙音如鼓食虎豹楷案此釋獸
文錯簡在此釋獸篇嚮如馬與此皆獸之似馬者非眞馬
也嚮如馬在釋獸篇則駮如馬亦在釋獸篇明矣且文法

亦類彼篇而不類本篇觀舍人注則所據本似猶未誤

驥蹄趼善陞𧆸舍人云驥蹄者溷蹄也研平也謂蹄平正李云驥者其蹄正堅而平似研也孫云驥蹄之馬蹄平如研而善升山𧆸者郭云驥蹄蹄如研而健上山秦時有驥蹄苑楷案趼當作研趼者研之假音也但李以驥爲逗蹄研爲逗與舍人孫郭以驥蹄爲逗研爲逗者不同依義求之李說是也驥者舉其名蹄研者釋其形善陞𧆸者詳其性若以驥蹄爲逗則研字不成義矣秦時割驥蹄二字爲苑名此李斯等不學無術之過句讀之不明宜其起而焚

書也乃後世不加駁正反沿襲之至漢時猶有昆蹏令丞
見漢書百官表應劭注謂昆蹏好馬名也如氏注謂爾雅
曰昆蹏研善升廄者也因以爲廄名後漢書馬融傳絅琨
蹏李賢注琨蹏野馬也爾雅曰琨蹄蹏善升廄玉篇駢蹄
馬名秦有駢蹄苑皆習非勝是而不知省悟者也惟顏師
古百官表注云昆獸名也蹏研者謂其蹏下平也李注而
外得此一說可謂崑山之片玉矣

絕有力駢郭云卽馬高八尺楷案當與高八尺者名同而
義別非卽一物也下文牛黑脣惇牛七尺爲惇亦名同而

義別者與此一例駢之言戎也釋詁戎大也言其氣力壯
大也馬之絕有力者不必盡高八尺而高八尺者則必有
力故八尺可兼駢名而絕有力者不得謂之卽高八尺也
周禮馬質馬量三物一曰戎馬二曰田馬三曰駑馬校人
辨六馬之物種馬一物戎馬一物齊馬一物道馬一物田
馬一物駑馬一物所言戎馬卽此絕有力者非謂高八尺
之馬亦非謂兵車之馬也

前足皆白駢舍人本駢作雞釋文云駢音奚郭又音雞楷
案駢奚雞三字通李善文選赭白馬賦注引劉邵趙都賦

云良馬則飛兔奚斯類聚引六韜云太公與散宜生得大戎氏文馬毫毛朱鬣目如黃金名雞斯之乘奚斯與雞斯同皆卽此所謂駢也斯語辭猶螽斯鷩斯之例耳魯公子奚斯字子魚下文二目白魚皆以馬爲名也

前右足白駁郭云左傳曰駁服楷案釋名白駁也如冰駁時色也此駁字卽其義

左白蹄郭云前左腳白楷案方言凡全物而體不具梁楚之謂之蹄雍梁之西郊凡臍支體不具者謂之蹄此馬名蹄蓋取色不具義

驃馬白腹驃郭云驃赤色黑釐楷案驃之言繚也說文繚帛赤黃色也繚有赤黃二義故赤馬白腹黃馬白腹均謂之驃淮南主術訓乘驃馬高誘注黃馬白腹曰驃是也郝疏以高注黃字爲赤字之誤非

驪馬白跨驪郭云跨髀間楷案此因白色所在而名之也說文窩空也驪與窩音同兩髀間正當空處也

尾本白驥郭云尾株白楷案釋魚鱗郭注今偃額白魚驥與鱗音同

駒額白顙舍人云的白也額額也額有白毛今之戴星馬

也楷案駒舍人本作的是也的頽後世謂之的盧蜀志注
引世語云先主騎的盧走渡襄陽城西檀溪水中溺不得
出備急曰的盧今日厄矣可努力的盧乃一躍三丈遂得
過是也盧與頽同的盧猶的頽也楊慎外集說則謂卽穆
王八駿中之山子云山子今之五明馬又名玉頂又名叱
撥又名玉抱肚又名花抱肚太白詩所謂五花馬也古以
爲奇今以爲忌曰破面孤蹄鬼也不騎劉先主之的盧亦
是此種未知是否

白達素縣郭云素鼻莖也俗所謂漫臚徹齒邢疏云素鼻

莖也其白自額下達鼻莖者名縣邵晉涵云馬之鼻莖白者名曰達亦謂之素縣郝懿行云馬之鼻莖白者名白達一名素縣說文頰鼻莖也頰烏割切與達音近然則白達卽白頰也檔案句讀當從郝但以達爲頰之音近亦非也達當爲遏之誤字說文頰或體作鶻爾雅蓋假遏爲鶻因與達形近而誤耳

而頰皆白惟驥王引之云驥者白色也故駒之白者謂之駒駒档案王說是也老人曰厖眉皓首皓白也厖亦白也說文塗涂也涂卽釋宮所謂牆謂之塗塗者說文云白塗

也是鶻厖塗並與驥音義同也

在肘後減陽在幹茀方在背闕廣郭云皆別旋毛所在之名郝懿行云減陽茀方闕廣語俱相韻自郭氏已不知其義無以言焉楷案減陽茀方闕廣皆雙聲字減陽語義無徵既夕禮商祝執功布入鄭注執之以接神爲有所拂拂也拂拂與茀方語意同闕廣通作決驥廣韻唐部云決驥馬旋毛在脊也是又作驥驥脣部引爾雅作驥驥云亦作闕廣是駢驥與闕廣同說文有駢無驥詩采薇傳駢駢彊也五經文字犬部有獮字云見爾雅嚴元照謂疑此廣有

从犬者案嚴說是也李賢後漢書光武紀注獶猛貌獶與驥同是駢驥二字皆彊猛之義又通作駢獶獶狹吳都賦狂趨獶狹李善注獶字引說文獶字犬獶不可附也爲說又云獶壯勇之貌是獶狹獶狹並與驥驥同但倒言之耳逆毛居駢郭云馬毛逆刺楷案玉篇廣韻並云駢馬逆毛也釋文引字林同皆本爾雅疑居字衍

驥白駁舍人云驥赤色名曰駁也楷案驥白者謂駢馬而發白色也李善注文選赭白馬賦引劉芳毛詩義證云形白雜毛曰駁非是形白雜毛者名駢不名駁也郭注駢字

云卽今之赭白馬是也爾雅言雜毛與不言雜毛有別
青驪駒詩有駢疏引孫云色青黑之間邢疏引孫云青毛
黑毛相雜者名駢今之駢驪也楷案孫注孔邢兩疏所引
不同以義言之則孔引是也青驪者謂青色中發黑色也
若青黑毛相雜則當云青驪雜毛矣駢之言稍也說文稍
麥莖也麥莖色亦青中發黑說文又云絹縉如麥莖色繢
如麥莖色謂之絹馬如麥莖色謂之稍其義一也

陰白雜毛駢孫云陰淺黑也郭同楷案陰非色名當讀如
黯說文黯深黑也古从音从僉字多通用喪服四制諒闇

論語作諒陰是其例孫郭並訓淺黑者蓋別於驪白雜毛也上文驪白雜毛爲深黑則此陰白雜毛爲淺黑矣駢之言驪也廣韻引字林云驪黑色也

白馬黑驪駱郭云禮記曰夏后氏駱馬黑驪王引之云駱者白色之名也駱之命名主乎白而不主乎黑故廣雅白馬朱驪亦謂之駱月令秋乘白駱猶赤驪之驪爲赤色驪驪之驪爲黑色也故明堂位又言駱馬黑驪駱與黑對文則駱爲白矣楷案王說是也凡與駱同音字皆有白義穆天子傳有皎者駱郭注皎白貌是鳥之白也陸璣詩疏鯀

鮪一名鯈肉色白是魚之白也方言蝤蝤梁益之間謂之蝤蝤𧆚卽蝤蝤詩碩人疏謂在木中白而長是蟲之白也廣雅絡綃也玉篇綃素也說文素白致繒也是絲之白也詩駢有驢有駱有駢有雒傳白馬黑駢曰駢黑身白駢曰雒雒亦與駢同故釋文云本或作駢同疏云定本集注及徐音皆作駢字黑身白駢曰駢駢又主駢駢名之也

白馬黑脣駢黑喙駢孫本駢作椁云與牛同稱郭云今之淺黃色者爲駢馬郝懿行云駢孫本作椁是也但以詩傳黃牛黑脣曰椁推之則此白馬疑黃馬之誤證以下句黑

喙駒說文及詩小戎傳並云黃馬黑喙與黃牛黑脣其例
正同益知白馬必黃馬之誤矣楷案郝氏訂駢爲梓訂白
馬爲黃馬皆是也但黑喙上亦脫黃馬二字郭云今之淺
黃色正據經文言嚴元照謂黃馬蒙二種然上文青驪駒
青驪驛驛青驪繁鬣驟不蒙其例可援證矣

犧牛郭云今無角牛郝懿行云大者名犧小者名童童當
作僮俗从牛作犧牛耳郭注似失之楷案郝以童爲僮稚
故以大犧小童爲解然僮稚之牛無角凡牛皆然不獨犧
牛也後漢書西南夷傳有旄牛無角一名童牛內重千斤

毛可爲眊寰字記旄牛無角一曰童牛重千斤旄牛卽犧牛皆不言其小也然則犧與犧之分在乎角之有與無不在乎形之大與小矣釋名山無草木曰童又云羊之無角者曰童此犧字音義同郭說不誤

糗牛郭云未詳洪頤煊讀書叢錄云糗當作糗說文犧牛羊無子也讀若糗糧之糗卽此牛楷案無子之牛不得別爲一類洪說非也糗疑卽釋獸鼠身長須而賊之鼴鼴與糗同陶注本草謂之鼴鼠金樓子謂之偃牛偃與鼴同以其爲鼠類故曰鼠以其爲牛形故曰牛糗牛之稱蓋亦同

此而昊字之从牛从鼠與釋獸釋畜之兩載均此例矣
角一俯一仰觭郭云牛角低仰楷案觭者偏倚之意也說
文掎偏引也成二年公羊傳相與踦閭而語何休注門閉
一扇開一扇一人在外一人在內曰踦閭義並與觭同

體長旆郭云長身者楷案旆之言𡇗也說文𡇗草木盛𡇗
𡇗然也𡇗𡇗謂長大也釋天繙廣充幅長尋曰旐繼旐
曰旆則旆亦取長義也故詩生民荏菽旆旆傳謂旆旆然
長也

犬生三狃郭云此與豬生子義同楷案說文無狃字卽狃

字故釋文云本亦作獵郭亦云與豬生子義同也釋獸豕
生三獵豕生三子謂之獵犬生三子亦謂之獵借豕子之
名以爲名猶犬之子名狗熊虎之子亦名狗豕之子名穀
獵之子亦名穀也顏氏家訓書證篇引延篤戰國策音義
云從牛子朱駿聲以爲卽獵字之假借然則豕之子爲獵
犬之子亦爲獵牛之子亦爲獵其義並同矣玉篇狃犬生
三子也狃犬生三子狃與狃皆狃字之誤又云狃狃二
同犬生一子又皆狃字之俗體而三子誤爲一子也

牛七尺爲惇邢疏云尸子云大牛爲惇七尺楷案方言敦
大也韋昭鄭語注湻大也並與惇音相近高誘淮南兵略
訓注錦大鐘也與大牛名惇同義

羊六尺爲獮郭云尸子曰大羊爲獮六尺者楷案釋獸熊
虎魄絕有力麌獮與麌同故釋文云本亦作麌釋草歲馬
藍郭注今大葉冬藍大羊謂之獮又如大葉之藍謂之歲
矣

雞三尺爲鶠郭云陽溝巨鶠古之名雞楷案說文嘷大口
也暉大目出也翬大飛也釋器釋文引埤蒼云緡大束也

曹大家幽通賦注渾大也義並與鶠同大雞爲鶠因之大
鳥亦爲鶠張衡西京賦翔鶠仰而不逮薛綜注鶠大鳥是
也

爾雅稗疏卷四終